




**KUYOBOKA IMANA
BIDASUBIRWAHO:
KURAMYA IMANA
URI KU RUBUGA
RW'INTAMBARA**

Icyigisho cya 7 cyo ku wa 15 Ugushyingo 2025



"Ahubwo mubanze
mushake ubwami
bw'Imana no
gukiranuka kwayo,
ni bwo ibyo byose
muzabyongerwa"

Matayo 6:33




Ubwo [Abisirayeli] bambukaga Yorodani mu buryo bw'igitangaza, abami b'Abanyakanani bose bahinze umushyitsi (Yosuwa 5:1). Hari hateguriwe guhindurwa ako kanya.

Ariko ku Bisirayeli, ibi si byo byari iby'ikubitiro. Bagombaga kubanza kugirana umubano n'Imana.

Hagati mu rugamba rwo guhindura igihugu, bahisemo kandi kwitsa gato kugira ngo bongere biyegurire Uwiteka, ubwo bari mu iteraniro rikomeye hagati y'imisozi ya Ebali na Gerizimu.

Ubwo bari begereje kurangiza guhindura igihugu, bageze ku ntambwe nshya yo kuramya: bashinze Ihema ry'Ibonaniro i Shilo.



Kuramya mbere yo guhindura igihugu:



Kuvugurura isezerano (Yosuwa 5:1–9)



Pasika ya mbere muri Kanani (Yosuwa 5:10–12)



Kuramiriza hagati y'imisozi:



Igicaniro cyo kuramirizaho (Yosuwa 8:30–31)



Kwibuka amategeko (Yosuwa 8:32–35)



Ahantu hihariye ho kuramiriza:



Gushinga Ihema ry'Ibonaniro (Yosuwa 18:1)



KURAMYA MBERE YO GUHĪNDŪRA IGIHUGU



KUVUGURURA ISEZERANO

"Icyo gihe Uwiteka abwira Yosuwa ati 'Wisaturire amabuye atyaye, mukebe Abisirayeli ubwa kabiri.' " (Yosuwa 5:2)

Gilugali ni izina ryahawe ingando y'Abisirayeli, ahakorera icyicaro cy'ubuyobozi mu ntangiriro z'urugamba rwo guhindura igihugu. Iri zina ryahawe ubuhe busobanuro (Yosuwa 5:9)?

Nubwo hari hashize imyaka irenga 40 Abisirayeli bavuye muri Egiputa, bari batarigeze binjira mu Gihugu cy'Isezerano. Ubu noneho, ibirenge byabo byari bigikandagiyemo. Igihe cyari kigeze cyo gukuraho "igisuzuguriro cya Egiputa" maze bakavugurura isezerano ryabo n'Imana.



Mbere yo kurya Pasika ya mbere, abagabo b'Abisirayeli barakebwe, kuko nta muntu utakebwe washoboraga kuyirya (Kuva 12:48). Ariko kuko banze kwinjira i Kanani ku nshuro ya mbere, isezerano ryarishwe, kandi nta Mwisirayeli wakebewe mu butayu (Josuwa 5:5).




Kugira ngo isezerano rivugururwe, byari ngombwa gusubiramo icyo kimenyetso cy'ibigaragara (Itangiriro 17:10). Iki gikorwa cyashyize imbere icy'ingenzi. Kuri twe, ni urugero rwo gukurikiza: "Ahubwo mubanze mushake ubwami bw'Imana no gukiranuka kwayo, ni bwo ibyo byose muzabyongerwa" (Matayo 6:33).



PASIKA YA MBERE MURI KANANI

“Nuko Abisirayeli babamba amahema i Gilugali, baziririza Pasika ku munsu wa cumi n’ine w’ukwezi nimugoroba, mu kibaya cy’i Yeriko” (Yosuwa 5:10)


Kuva muri Egipta kugera i Kanani, Abisirayeli bakurikiye “urunyurane”, basubiramo ibyabaye mu buryo buhinduranye:



Pasika ya mbera yari ikimenyetso cyo kubātūrwa bakava muri Egipta. Pasika ya kabiri, yizihijwe n’igisekuru gishya, yari ikimenyetso cyo guhindūra Igihugu cy’Isezerano.

Yesu yegereje kubambwa, yahaye uyu muhango ubusobanuro bushya, n’ibimenyetso bishya: umwana w’intama aba umutsima, naho amaraso aba vino.

Ibi ni ibimenyetso by’umubiri n’amaraso by’Umucunguzi wacu, watubātūye muri Egipta (ni ukuvuga, mu byaha byacu), akatujyana mu Gihugu cy’Isezerano (1 Abakorinto 11:23–26).



KURAMIRIZA HAGATI Y'IMISOZI



IGICANIRO CYO KURAMIRIZAHU

"Birangiye Yosuwa yubakira Uwiteka Imana y'Abisirayeli igicaniro cy'amabuye ku musozi witwa Ebali"
(Yosuwa 8:30)



Mose yari yarategetse ko bakinjira i Kanani, bajyaga kubaka igicaniro ku Musozi Ebali, bagahimbaza Imana (Gutegeka 27:5–7). Kuki ku Musozi wa Ebali aho kuba ku wa Gerizimu?

Cyaba igicaniro yaba n'amategeko yanditswe ku rwibutso kandi agasomerwa abantu, byari bifitanye isano n'imigisha n'imivumo (Gutegeka 27:12–13). Umugisha wavugirwaga kuri Gerizimu, naho umuvumo ukavugirwa kuri Ebali.

Yesu yahindutse umuvumo ku bwacu, kugira ngo duhabwe umugisha (Abagalatiya 3:13–14). Kuri twe, iki gicaniro ni ishusho isobanura igitambo cya Yesu ku bwacu.



Mu gihe cyo guhindura igihugu, Isirayeli yashatse umwanya wo kongera kwiye gurira Imana. Iri ni irarika kuri twe ryo kwigana urugero rwabo, tukongera kwiye gurira Imana, atari umuntu ku giti cyacu gusa, ahubwo no ku rwego rukomataniye nk'ubwoko bw'Imana bwatoranijwe.

KWIBUKA AMATEGEKO

**"Maze yandikira imbere y'Abisirayeli ku mabuye y'igicaniro amategeko ya Mose, nk'uko Mose yari yarayanditse"
(Yosuwa 8:32)**

Nyuma yo kubaka igicaniro ku musozi wa Ebali, Yosuwa yashinze amabuye, ayahoma ingwa. Hanyuma yandikaho kopi y'amategeko [Gutegeka kwa Kabiri, harimo Amategeko Cumi n'amategeko atari amwe, ndetse n'imigisha n'imivumo (Yosuwa 8:32; Gutegeka 27:2–3)].

Ku iherezo, amategeko yasomewe imbere y'abantu, agabwamo imigabane ibiri—umwe kuri buri ruhande rw'umusozi (Yosuwa 8:33–35). Muri ubwo buryo, isezerano hagati y'Imana n'ubwoko bwayo ryaravuguruwe.

Iri ni irarika kuri twe. Nk'ubwoko bw'Imana kwasigaye, tugomba kuvugurura isezerano ryacu na Yo buri gihe, twibuka uburyo yatuyoboye kugeza ubu n'imigisha yaduhaye.



Uretse kuvugururwa kwacu bwite, Ifunguro Ryera rinaduha umwanya wihariye wo kuvugururwa nk'ubwoko bw'Imana.



AHANTU HIHARIYE HO KURAMIRIZA



GUSHINGA IHEMA RY'IBONANIRO

"Nuko iteraniro ryose ry'Abisirayeli riteranira i Shilo bashingayo ihema ry'ibonaniro, igihugu kirabagomōkera" (Yosuwa 18:1)



Igihugu cyari cyarahindūwe n'Abisirayeli. Igihugu cyari kimaze kugabanywa imiryango ikomeye cyane, nubwo imiryango irindwi yari itarahabwa gakondo yayo. Ingabo z'umuryango wa Rubeni, uwa Gadi, n'umugabane w'umuryango wa Manase zagombaga koherezwa muri gakondo yazo hakurya ya Yorodani.

Mbere y'uko imiryango itandukana, hakoze igikorwa cyihariye kandi cy'ingenzi: gushinga Ihema ry'Ibonaniro, ihuriro ry'ukuramya kw'Abisirayeli (Yosuwa 18:1).

Ihema ry'Ibonaniro, nk'ahantu Imana ituye hagaragara, ni ho hahuriraga ubwoko bwose mu kuramya. Iyo hataba Imana, guhindūra igihugu nta gaciro byari kuba bifite.

Muri iki gihe, ubwo hakiri ibihānda bya none n'ibirenze tugomba kunesha, ni ngombwa cyane ko dutumbira Ubuturo Bwera bwo mu Ijuru, aho Yesu ari adusabira.



“Ntabwo hari hashize ibyumweru byinshi Mose atanze igitabo cyose cyo Gutegeka kwa Kabiri agisobanurira abantu, nyamara iki gihe cyo Yosua yongeye gusoma amategeko.”

Ntabwo abagabo bo mu Bisirayeli ari bo gusa bumvise ayo mategeko asomwa, ahubwo ‘n’abagore bose n’abana;’ kubera ko byari ngombwa ko nabo bayamenya kandi bagakora ibyo abasaba. [...]

Igice cyose n’umurongo wose wa Bibiliya ni ubutumwa buvuye ku Mana bugenewe abantu. Dukwiriye guhambira amategeko yayo mu biganza byacu no mu ruhanga rwacu hagati y’amaso yacu nk’ikimenyetso. Bibiliya yizwe kandi ikumvirwa, yayobora ubwoko bw’Imana, nk’uko Abisirayeli bayoborwaga n’inkingi y’igicu ku manywa n’inkingi y’umuriro nijoro.”

E.G. White, *Abakurambere n’Abahanuzi*, pp. 343–344